



UPA 2016/61

Nivi Olsen

18/11-2016

**"Ilinniartoqarneq pillugu inatsimmik" taaneqartup naleqqussarnissaa siunertaralugu attuumassuteqartut soorlu suliffeqarnerup iluani illuatungeriit ilinniarnermullu atatillugu atuagarsorfiit atuarfiit akuutinneqarnissaat pisariaqarnersoq pillugu apeqquteqaat allaavigalugu oqallinnissamik siunnersuut, taamaasiornikkut qularnaarumallugu, inatsisip ingerlalluarnissaa taamatullu Inatsisartuni amerlanerussuteqarluartunit innuttaasunillu tapersorsorluarneqarnissaa.**

(Demokraatit Inatsisartuni gruppiat)

Siullermik Demokraatinut pingaaruteqarpoq oqaatigissallugu, uangutsinnut pingaarluinnarmat ilinniartut ilinniarnermullu atatillugu sungiusaatigalugu sulliviit pillugit ajornartorsiutit pitsaasumik aaqqiivigineqarnissaat. Ilinniartut kiisalu ilinniarnermut atatillugu sungiusaatigalugu sullivissaat amerlanerit pisariaqartippagut aamma inuusuttut taakkunani sulinissaat pisariaqartipparput. Tassuunakkut Naalakkersuisut isumaqatigilluinnarpagut.

Kisianni Demokraatinut pingaartorujussuuvoq Inatsisartuni inatsisiliortassannginnatta inatsisit iluatsinnissaannut suleqataasussat qulaatiinnarlugit.

Ilinniartuunermut inatsit eqqarsaatigalugu, ajorluinnartumik inissisimavugut, inatsit taamatut isikkoqarallartillugu illuatungeriinnit susassaqartunit sakkortuumik isornartorsiorneqarmat. SIK-p aamma GE-p assersuutigalugu inatsit iluarinngilluinnarpaat aamma akuutinneqannginneq. Tamanna takuneqarsinnaavoq kattuffiit taakku tusarniaanermut atatillugu akissutaanni ulloq 24. juuli 2016.

Demokraatini ugornartutut isigaarput, Naalakkersuisut naalakkersuisoqataasut partiivinit tapersorsorneqarlutik inatsit massakkutut isikkoqartillugu akuerissappassuk. Isumaqarpugut



pisariaqartoq susassaqtut soorlu suliffeqarnermi illuatungeriit kiisalu ilinniarnermut atatillugu atuagarsorfiit atuariit sukumiisumik akuutinneqarnissaat siunertaralugu inatsisip naleqqussarnissaa, aaqqinniassammat sapinngisamillu iluaqutaalerluni.

Malugaarput Naalakkersuisut akissummini allattut, sulissutigigitsik suleqatigiisitaliornissaq inuttaqartussamik suliffeqarnermi illuatungeriinnit, oqartussaaffinnit allanillu soqutigisaqaqatigiinnik. Tassunga atatillugu makkut paaserusuppagut:

- Partiit sorliit, oqartussaaffiit aamma soqutigisaqaqatigiit suleqatigiiffimmi ilaasortaappat?
- Ataatsimiinnerit qassit pilersaarutaappat?
- Suleqatigiisitaq sorpionik siunertaqarpa?
- Naalakkersuisut suleqatigiisitaq innersuussutai qanoq isumassarsiorfigitiginiarpai?
- Suleqatigiisitaq naammassigallagai sumut killippat?
- Siunnersuut UKA 2017-mi saqqummiunneqartussaq siunnersuutaaqqaartumut naleqqiullugu allaanerungaatsiarnissaa Naalakkersuisut naatsorsuutiginerlugu aamma naatsorsuutiginerlugu suliffeqarnermi illuatungeriit iluarinnikkumaartut?

Tamatuma saniatigut maluginiarparput aqutsinerup Inuussutissarsiornermut Naalakkersuisoqarfimmiinnissaanut isumarput Naalakkersuisut isummerfigisimannikkaat. Demokraatit isumaat naapertorlugu tulluunneruvoq aqutsineq Ilinniartitaanermut Naalakkersuisoqarfimmiittuuppat. Aamma taama isumaqarput GE aamma SIK. Soqutiginassagalarpoq tusassallugu Naalakkersuisut tamatumunnga qanoq isumaqarnersut.

Demokraatini neriuppugut ullumi kusanartumik oqallikkumaartugut tassungalu atatillugu siunnersuutigissavarput Inatsisartut imatut oqaaseqaateqassasut:

**Inatsisartut oqaaseqaatissaattut siunnersuut:**

Inatsisartut Naalakkersuisut kaammattussavaat suliffeqarnerup iluani illuatungeriit taamatullu ilinniarnermut atatillugu atuariit atuagarsorfiit pitsaasumik oqaloqatigeqqullugit ilinniartunik ilinniarnermullu atatillugu sungiusaatigalugu sulisussanik tigusinermi inuiaqatigiit



akisussaannissaannut inatsisissatut siunnersuutip tulluussarnissaa siunertaralugu, taamaasiullutik Naalackersuisut UKA2017-mi saqqummiussisinnaaqqullugit inatsisissatut siunnersuummik iluarsaassamik, suliffeqarnerup iluani illuatungeriinnit tapersorsorluarneqartumik.